

模範軍人

第七冊

旭烈兀 郭侃

徐達 常遇春

事略

鄭汝成題



讀 經 者 鑒

民國四年奉 大總統特頒教育綱要丙條規定

中小學校

應讀之經書丁條 規定經學院 本館爰將各種 經

書精校付印 以備採用

| | | |
|-------|-------------|----------|
| 十三經白文 | 洋裝 布面 一册 三元 | 皮脊 一册 四元 |
| 孝經 | 附弟子職 一册 五分 | |
| 四書 | 朱子集註 六册 四角 | |
| 四書白文 | 二册 一角五分 | |
| 大學 | 一册 三分 | |
| 中庸 | 一册 三分 | |
| 論語白文 | 二册 四分 | |
| 孟子白文 | 三册 四分 | |
| 詩經 | 四册 三角五分 | |
| 毛詩白文 | 一册 一角五分 | |
| 尚書白文 | 一册 八分 | |
| 書經 | 四册 三角 | |

| | |
|--------|-------------|
| 易經 | 二册 二角 |
| 周易白文 | 一册 六分 |
| 禮記白文 | 一册 二角五分 |
| 左傳 | 杜預註釋 十二册 一元 |
| 春秋左傳白文 | 三册 五角 |
| 左傳句解 | 六册 三角五分 |
| 經訓教科書 | 四册 各一角 |
| 經訓教授法 | 四册 各二角半 |
| 聖蹟圖 | 一册 四角 |

▲此外尚有關於讀經者如下

模範軍人第七冊目錄

旭烈兀

- | | | | |
|----|---------|----|----------|
| 一 | 元初之武功 | 二 | 阿底拉 |
| 三 | 旭烈兀之家世 | 四 | 克木乃奚 |
| 五 | 建海拉脫國 | 六 | 報達之情形 |
| 七 | 十葉教人之歸向 | 八 | 遺書 |
| 九 | 報達之神聖 | 十 | 進征報達 |
| 十一 | 報達之覆亡 | 十二 | 旭烈兀有國百餘年 |
- 郭侃

一 汾陽世澤

二 史天澤之賞識

三 立功衛州

四 從征西域一

五 從征西域二

六 從征西域三

七 從征西域四

八 上平宋策

九 興屯田

徐達

一 冒險救主

二 斷纜勵衆

三 力攻江淮上

四 力攻江淮下

五 滅張士誠

六 定計北伐

七 克定元都

八 平定山西

九 肅清秦隴

十 擊退元寇

十一 恭慎自持

常遇春

- | | | | |
|---|------|---|------|
| 一 | 和陽遇主 | 二 | 采石立功 |
| 三 | 裹創奮鬪 | 四 | 三戰三勝 |
| 五 | 大戰鄱陽 | 六 | 克城不殺 |
| 七 | 隨軍北伐 | 八 | 劫寨却敵 |
| 九 | 元帝北遁 | 十 | 遺事 |

模範軍人第七冊

旭烈兀

一 元初之武功

自來一統之朝。幅員最廣。莫如元。發跡於亞洲之中。而東滅金。宋北屈。俄羅斯。南入印度。西蹂歐洲之中原。亞歐兩洲所有之民族。無不臣也。此不獨中土。歷史所未嘗有。卽歐洲史家所艷稱之馬基頓。王亞力山大。法蘭西。帝拿破崙。亦當自愧。不如惜其時公私文牘。皆蒙文士語。史官記載。略而不詳。明洪武元年。詔宋濂等修元史。燕京圖籍。橐載而南。宜可以開館翻譯。盡知其事。乃志在速成。一年卽畢。遺漏散失。訛舛實多。卽如諸王旭烈兀。手平西域。豐功偉烈。震於殊方者。今西人且有傳記。而元史竟未立傳。僅於郭侃傳中附見之。其他事之



失。載。而。不。傳。者。從。可。知。矣。

二 阿底

拉

當魏晉之間。歐洲羅馬帝國方盛之時。我同種匈奴之遺族。有阿底拉 Attila 者。實先蒙古而威服白種人之豪傑也。羅馬之



方盛兵威所加無不
 披靡。毘裘之君長草
 澤之英雄從無敢倚
 嘯上東一問鼎之大
 小輕重而阿底拉竟
 敗東帝之師然後率
 其子弟馳騁意大利
 高廬法蘭西古名之郊
 歐人畏之尊為無敵

元 太 祖



至為之語曰「阿底拉之馬跡所至草色不青」(原文為 THE GRASS NEVER
 green again once the hoof of Attilas horses had trod.) 其軍容之猛可見乃越

千。年。而。有。旭。烈。兀。雖。未。能。如。阿。底。拉。之。深。入。全。歐。然。中。部。及。南。部。亞。細。亞。之。國。固。莫。不。震。而。驚。之。矣。

三 旭烈兀之家世

旭烈兀。或稱旭烈。又譯作錫喇。或錫里庫。見元劉郁所或煦烈。見錢大昕十

宗。名拖雷太祖第四子太宗母弟後以子即第十一子也。養新錄云睿宗第六年

九歲。皇祖太祖避暑於巴魯安。旭烈兀與忽必烈往迎之於葉密爾河。射一鹿

以獻。太祖大悅。元起蒙古。本非禮義冠帶之鄉。而沙漠遊牧之國也。其四隣諸

國。東有遼金。北有阿羅思。即俄南有忻都。即印皆文明之都會也。其狡焉思

啓之心。刻刻不忘。堅甲利兵。所至無敵。與之為隣者。遂覺儻焉。不可一日安矣。

而其被滅之次第。則金為先。宋次之。忻都、阿羅思及裏海黑海諸小國。又次之。

裏海黑海諸小國今皆為俄滅當時用命諸王。前則有朮赤察合台、旭烈兀等。後有拔都等。諸

臣則有哲別速不台等類皆謀勇足備
猛擊無前故得犁庭掃穴所向披靡成
亘古未有之大一統者也。

四 克木乃奚

太祖成吉思汗即位之十四年議大舉
西征會西域殺元使者即率其子朮赤
窩闊台拖雷察合台等親征擒其酋長。

置達嚕噶齊監治之。猶華音印官也後太祖東歸中亞諸方頗多反抗憲宗二年壬子
遣旭烈兀出師征討所至克捷遂自天山北麓西至柯提。今喀什也在機窪城
岸之西招致西域諸國王併領其軍。

時西域諸國有木乃奚。十駕齋養新錄作木乃兮者立國於裏海之南愛耳布


元 世 祖



芝山之側。回教中之強國也。雖以太祖之聲威。親征其國。尚不能下。至是旭烈兀奮然而起。誓欲滅之。以平乃祖之憤。憲宗三年癸丑。藩酋射姆斯哀丁迎謁於撒馬爾干。從征木乃奚。下百二十城。進逼其都。木乃奚終不敢逞。遂滅之。又破乞都卜城。兀里兒城。乞石速國。聞之大懼。以全國來降。籍之得三百餘城。又西至大房。下其城百八十五。由是葱嶺以西。至於裏海。元兵所至。無復有抗其顏行者。


五 建海拉脫國

元 之 戰 鼓



元得西域。諸王皆恃功橫索。民不堪命。憲宗之世。乃定計丁出賦之制。按貧富分則。此外一切科斂。悉予禁革。丁賦所入。惟備兵餉郵驛。及使臣馳傳。此外毋應付。毋聽諸王濫發勅令。命忽必烈旭烈兀二人分鎮之。西域政事。始漸有條理焉。憲宗以西域開藩。旭烈兀之功爲多。因以其地歸其統治。旭烈兀建城郭宮室於海拉脫。而都之。自海拉脫東行。乃抵印度河。渡河而東。則入印度。元兵屢入。擾其邊境。大軍歸。旭烈兀節度師入克什米爾。涉印度斯單界。大掠而返。

元 之 輜 重 車




獻俘獲於旭烈兀。

六 報達之

情形

古時亞刺伯境內有國曰報達。回教祖摩訶末德之後世王於此。在體格黎河與幼弗拉斯河之間。天方教人^{即回教}文明之中心。而金城湯池設備。

報達之元



亦甚周。至旭烈兀時。報達東方諸藩屬。盡爲元有。其勢亦稍稍殺矣。國主木司徒辛無才。喜聽樂觀劇。國事皆決於下。旭烈兀旣滅木乃奚。思以得勝之兵。進攻報達。心畏其強。尙爾遲回。報達附近屬國。若羅姆。若法而斯。若克兒漫。皆降服蒙古。若哀而陞耳。若毛夕耳等部。猶依違未定。埃及亦大部。而道遠。且憚蒙古。不敢來援。旭烈兀斂得其情。雄心又爲之一振。

七 十葉教人之歸向

西 域 人 抗 拒 元 兵 之 狀



報達城有十葉教人。阿里後人一派曰十葉教阿拔斯後人一派曰素尼教今土耳其為素尼教聚居一處。

木司塔辛縱兵劫掠十葉教人。十葉教人怨之。遂

輸誠於旭烈兀。願為蒙古臣僕。旭烈兀疑其詐。責

以要約實據。謨牙代丁。木司塔辛斃財賦之大臣亦奉十葉教者復具

書。悉以國事相告。勸進兵。並勸木司塔辛裁兵額

以節饟糈。有警則徵調屬國之兵為衛。木司塔辛

吝於財。從其言。有大臣曰哀倍克。與木司塔辛不

協。謀廢立。謨牙代丁知其謀。以告哀倍克。知其通

蒙古。亦以告木司塔辛。皆不究。

八 遺書

旭烈兀既決計伐報達。先以書諭之曰。

兵 騎 古 蒙



我征木乃奚。令汝助兵。非有他意。欲締好也。而兵不至。汝席祖業。迪前光。但日入之後。月始照耀。日出則月沒矣。我蒙古自我祖西征。滅國數十。其逃人入汝境者。汝開門延之。我蒙古人至。則稱兵以拒。今我自至。汝如見機。毀平城壘。親來納降。或先遣將相大臣來議。汝位得保。我兵不入。如欲戰。則速集衆。以待屆時。飛走路窮。汝無後悔。

木司塔辛亦覆以書曰。

汝少年偶然得志。便藐視天下。自西自東。凡信上帝。崇正教者。皆我管屬。我一震怒。則義而闌之人。皆羣起而逐汝。蒙古歸於土而安。義而闌即波斯地。古稱義謂高朗。

由其地勢高也。土而安即突而基斯單之地。亦古稱也。

特我不願衆庶罹鋒鏑。故相容耳。汝安得令我

平毀城壘哉。

九 報達之神聖



木。司。塔。辛。雖。無。道。而。國。人。敵。愾。之。心。頗。能。一。致。聞。旭。烈。兀。之。書。皆。憤。蒙。古。使。者。出。城。百。姓。努。目。視。幾。欲。加。刃。謨。牙。代。丁。以。兵。護。送。而。免。旭。烈。兀。得。書。議。進。兵。木。司。塔。辛。問。計。於。謨。牙。代。丁。則。勸。以。納。賂。行。成。而。哀。倍。克。不。允。議。久。之。始。不。從。謨。牙。代。丁。之。言。籌。饟。召。集。軍。隊。

報。達。雖。非。回。教。祖。發。祥。之。地。以。其。盛。大。故。遠。近。莫。不。敬。而。畏。之。視。其。地。爲。極。樂。其。主。爲。神。聖。昔。有。隣。邦。不。度。德。量。力。而。貿。然。攻。之。者。皆。敗。沒。木。司。塔。辛。益。侈。然。自。大。因。復。遣。二。使。告。旭。烈。兀。說。自。來。列。邦。攻。報。達。者。無。不。受。天。譴。歷。引。諸。國。故。事。爲。證。旭。烈。兀。斥。其。妄。毅。然。不。爲。動。此。誠。鐵。腕。之。英。雄。也。

十 進征報達

報。達。東。界。有。山。爲。義。拉。克。阿。鄂。天。險。也。守。將。忽。珊。姆。哀。丁。以。事。怨。木。司。塔。辛。旭。烈。兀。知。其。情。招。致。之。果。來。見。令。占。奪。旁。寨。爲。大。軍。前。驅。忽。珊。姆。哀。丁。已。面。允。矣。

歸而悔之。旭烈兀命將怯的不花往誘出堡。擒之。使招堡中人悉出。毀其堡。殺其兵。忽珊姆哀丁亦見殺。

旭烈兀將自進征。憲宗遣術士霍殺哀丁至軍前。元史云憲宗酷信巫覡卜筮之術。凡行事必謹叩之。殆無

虛日似此亦其類也詢以

攻報達事。而術

士亦天方教中

人。乃曰。一如攻

報。達日不出。雨

不降。士馬亡年


歲。荒風。霜地震

國有大喪。一詢

蒙 古 之 金 符



ᠮᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨ
ᠮᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨ



ᠮᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨ
ᠮᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨᠨᠠᠭᠤᠯᠠᠭᠤᠨ

之奉佛教者及將士。則皆曰大吉。旭烈兀遂定計深入。令貝住將右軍。怯的不花將左翼。旭烈兀自將中軍。郭侃屬焉。

十一 報達之覆亡

憲宗七年冬。大軍破乞里茫沙杭城。報達遣哀倍克迎之。遇蒙古兵於堵者爾河。蒙古軍背水爲陣。戰竟日。無勝負。入夜。兩軍皆駐營。報達營地低下。蒙古軍夜決河堤。淹其營。次日進攻。覆其衆。貝住等至報達西城外。據其街市。而旭烈兀中軍已駐報達城東。城圍遂合。

城跨體格力斯大河。分東西二城。西城外環市廛。內有子城。東城壁壘峻厚。牆上築敵臺百六十三座。形勢峻險。固未能旦夕下也。元兵以大礮擊之。木司塔辛懼。遣大臣往軍前乞和。旭烈兀不許。曰：「此我在哈馬丹時之議。今我在報達城下矣。」城克。大殺七日。死者八十萬人。惟天主教人獲免。

自謨訶末德剋立新教從者風靡招徠之窮濟以威力闢地萬里驅策諸侯王
 頽首偕伏莫敢異趨雖其後嗣寢衰徒擁虛號然有國者非受其册封即無以
 自立於臣民之上歷
 五百餘歲至此遂絕
 旭烈兀盡滅摩訶末
 德之子孫惟阿卜而
 喀辛阿黑味逃入阿
 刺伯旋至西里亞世
 祖中統二年埃及王
 比拔而斯迎以至國
 立為哈里發即教主



帖木爾郎

受其册封。

十二 旭烈兀

有國百

餘年

在埃及之哈里發感

念父兄痛恨旭烈兀

入於骨髓誓報其仇

埃及王比拔而斯亦

許助以兵蒙古諸王

中有伯勒克者分封

於俄羅斯信天方教

帖 木 兒 陵



常集教士於鄂爾多。講論教律教理。太祖後裔入天方教者。自伯勒克始。比拔而斯念其同教。可引爲援。中統三年冬。發使渡黑海以往。伯勒克禮受其書。覆書謂我兄弟門人皆入教。伯勒克兄弟其可考者爲鄂爾達昔班唐古忒拔都伯勒克察耳脫帖木兒奉回教之三人不能確指其名願合約以攻旭烈兀。於是比拔而斯哈里發合伯勒克之兵。侵旭烈兀。大敗而返。旭烈兀世有海拉國。享國百餘年。帖木兒西來始滅。元亡。猶有帖木兒。日本呼本爲帖木爾耶者稱雄於西域以繼太祖之餘烈云。者稱雄於西域。以繼太祖之餘烈云。

郭侃

一 汾陽世澤

郭子儀。唐之名將也。史言其子八人。壻七人。諸孫數十人。並爲朝廷重官。不言其子弟有以將畧著者也。乃雲祏相繼。至於宋季。而苗裔郭寶玉入仕於金。通天文兵法。善騎射。以功封汾陽郡公。金亡。入仕於元。立功西域。封大雪山而還。子德海。姿貌奇偉。亦通天文兵法。曾破金兵五十萬於三峯山。以功名顯。兩代名將俱紹汾陽之緒。斯已奇矣。而德海子侃。又以武略立功於元。祖孫相繼。不墜家聲。天不使之繼起於唐。成汾陽興唐社稷之心。乃生於異代。以佐成蒙古一統之功。此則奇之又奇者耳。

二 史天澤之賞識

侃字仲和。幼卽奇異。爲丞相史天澤所器重。留於家而教養之。其父德海止此。

一子乃不留之膝下而父子異處教養之事付諸良友惟望他年得成大器其得愛子之道矣弱冠爲百戶名宜驚勇有謀略知名於時元人興起於蒙古志在滅金侃自束髮從軍卽與金人相戰獨當大敵亦未嘗敗北

三 立功衛州

今河南之汲縣於金爲衛州方金之盛也虜宋徽欽而北取其汴都而居之衛州爲京師之門戶設兵實戍列爲重鎮亦固其所爲元所奪而金將伯撒復恢復之侃擊破其兵四萬於城下遂渡河襲金主至歸德敗其兵於闕伯臺卽從速不台攻汴西門金元帥崔立降以功授總把從史天澤屯太原後以下德安功爲千戶侃初任偏裨卽與金人對壘讀史者必謂侃之功名當著於金宋兩國乃竟有大不然者

四 從征西域一

時元方有事於西域。既遣其宗王旭烈兀率師西發。專閩外之責。遣侃送兵仗
 至和林。旭烈兀留之。使爲已助。侃亦欣然。謂與其馳騁中原。不如出塞擊異種之人。
 如漢之衛青。霍去病。故事得勒銘燕然。封
 狼居胥之爲快意也。從攻木乃奚。其國塹
 道。置毒水中。侃破其兵五萬。下一百二十
 八城。斬其將忽都答而兀朱算灘。算灘猶
 華言王也。有城曰乞都卜其者。在檐寒山
 上。懸梯上下。守以精兵悍卒。乃築夾城圍
 之。莫能克。侃架礮攻之。守將卜者納失兒
 開門降。

西 城 古 王 宮




自礮火興而軍事變說者謂元太祖得之於西域是則西域固已有此利器矣。元人以其法還攻之而西域不能抗。如報達及乞都卜其兩堅城皆爲旭烈兀郭侃之礮所破。何也是必西域人坐守古法蒙古人更創新式同一礮也。一則射擊遠一則射擊近一則彈力強一則彈力弱以是不相及耳。世有以國防之具購之他國而不能自出新意以製造者尙有鑒於斯也。

五 從征西域二

兀魯兀乃算灘與其父阿力分守兩城。旭烈兀遣侃往說兀魯兀乃來降。其父守西城不肯歸附。侃攻破之。走據東城。復攻破殺之。

又攻兀里兒城。預爲伏兵。令曰：「聞鉦聲則起。」敵至伏發盡殺之。遂降其國。又西至阿刺汀。破其游兵三萬。

旭烈兀攻報達。侃亦從征。破其兵七萬。屠西城。又破其東城。東城殿宇皆搆以



沉檀木舉火焚之。香聞百里。得七十絃琵琶。玉尺珊瑚燈檠。兩城間有大河。格黎斯河侃預造浮橋以防其逸。城破。其王木司塔辛登舟。覩河有浮梁。扼之。乃自縛詣軍門降。其將紂答兒遁去。侃追之。至暮。諸軍欲頓舍。侃不聽。又行十餘里。乃止。夜暴雨。先所欲舍處水深數尺。衆皆伏。其先見明日獲紂答兒。斬之。拔三百餘城。

六 從征西域三

又西行三千里。至大房。其將柱石致書請降。左右以柱石之請爲信。遂易之。不爲備。侃曰。

欺敵者亡。古有明訓。軍機多詐。若中彼計。恥莫大焉。


乃嚴備以待。柱石果來邀我師。侃與戰。大敗之。下其城一百八十五。又西行四十里。至密昔兒。會日暮。已休。復驅兵起。留數病卒。西行十餘里。頓軍。下令軍中。

銜枚轉箭。敵不知也。密昔兒潛兵
夜來。襲殺病卒。不見大軍。乃大驚
曰。「東天將軍神人也。」遂降。

七 從征西域四

旭烈兀命侃西渡海。收富浪。侃喻
以禍福。兀都算灘曰。「吾昨所
夢神人。乃將軍也。」即來降。師
還。西南至石羅子。敵人來拒。侃直
出掠陣。一鼓敗之。換斯千阿答畢
算灘降。至賓鐵。侃以奇兵掩擊。大
敗之。加葉算灘降。又破兀林游兵

元 人 宮 殿



四萬阿必丁算灘大懼來降得城一百二十西南至乞里彎忽都馬丁算灘來降西域平侃露布告捷至釣魚山會憲宗病乃還鄧開屯田立保障

八 上平宋策

元世祖卽位侃上疏陳建國號築都城立省臺興學校等二十五事及平宋之策其略曰

宋據東南以吳越爲家其要地則荆襄而已今日之計當先取襄陽旣克襄陽彼揚廬諸城彈丸地耳置之勿顧而直趨臨安迅雷不及掩耳江淮巴蜀不攻自平

後皆如其策中統二年擢江漢大都督府理問官二年二月益都李璫及徐州總管李杲哥俱反宋夏貴復來犯邊史天澤薦侃召入見世祖問計所出對曰羣盜竊發猶柙中虎內無資糧外無救援築城環之坐待其困計日可擒也

帝然之。賜尙衣弓矢。馳至徐。斬杲哥。夏貴焚廬舍。徙軍民南去。侃追貴。過宿遷縣。奪軍民萬餘人而還。賜金符。爲徐邳二州總管。杲哥之弟驢馬。復與夏貴以兵三萬來擾邊境。侃出戰。斬首十餘級。奪戰艦二百。

九 興屯田

至元二年。有言當解史天澤兵權者。天澤遂遷地官。侃亦調同知滕州。三年。侃上言。宋人羈留我使。宜興師問罪。淮北可立屯田三百六十所。每屯置牛三百六十具。計一屯所出。足供軍旅一日之需。四年。徙高唐令。兼治夏津武城等五縣。五年。邑人吳乞兒濟南道士胡王反。討平之。七年。改白馬令。僧臧羅漢與彰德趙當驢反。又平之。

帝以侃精於軍務。擢爲萬戶。從軍下襄陽。由陽羅上渡江。江南平。遷知寧海州。居一年卒。

侃。行。軍。有。紀。律。野。爨。露。宿。雖。風。雨。不。入。民。舍。所。至。興。學。課。農。吏。民。畏。服。

徐達

一 冒險救主

中山武寧王徐達。字天德。濠州人。今濠州元屬河南省安豐路故城在世業

農。達少有大志。狀貌奇異。長身高顴。性情剛毅。武勇絕人。太祖明太祖也。姓朱名元璋。字國瑞。

先世家沛。後徙濠州之鍾離。兄弟四人。乃入皇覺寺。為僧。遊食諸州。尋復還寺。會百

姓苦元。苛政盜賊並起。太祖曰。然則

兵下之。去留皆不吉。太祖曰。然則

其反耶。乃入濠城。見郭子興。與公

和等。進據滁州。轉戰而東。徐達湯

凡十有五載。而成帝業。南移金陵。北

建元。洪武廟號太祖。明之為郭子興

士。州人。遷居定遠。少任俠。喜與壯

明太祖像



勳遂與其黨孫德崖等舉兵反自稱元帥攻拔濠州據之

部將也。達時年二十二。往從之一見相合。及太祖

南略定遠。

縣今屬安徽濠州道安

帥二十四人往達首與焉。尋從破元兵於滁州澗。

通鑑及太祖本

紀俱作橫澗山今從本傳按橫澗山在定遠縣西北

從取和州。

今安徽安慶道和縣

子興授達鎮撫。

初孫德崖與郭子興同起兵。德崖獷暴。遂與子興有隙。又用趙用均。

趙用均趙徐盜魁

始與彭大同據徐州後為元帥所敗奔就子興子興禮大而輕用均均怨遂執子興

言。幽子興於家。太祖救之得免。至

是德崖軍饑。就食和州。子興乘勢執之。德崖軍亦執太祖以相報。達聞之。挺身

詣德崖軍請代。太祖乃得歸。達亦獲免。昔漢高祖鴻門之會。為項羽所困。幸樊

噲撞門入衛。始免於難。噲之忠勇。千古稱之。今太祖之危。十倍於漢。高假使樊

將軍處此。當亦躊躇而色沮。而達乃不加思索。挺身以代死。往請以視樊噲。沈

難能而可貴矣。

二 斷纜勵衆



郭子興卒。太祖新得常遇春。春事詳遇春本傳乃將其軍。自和州轉戰渡江。而使達與遇

春為前軍。趨取牛渚。進拔采石。在安徽當塗縣西北時和州饑。諸將爭取資糧謀歸。達乃

與太祖定計。斷纜放舟。急流中以示軍無返顧之意。率諸將乘勝直擣太平。安今

太平縣克之。達與遇春皆為軍鋒冠是役也。苟無達佐太祖劃策。則江東之

地亦得而復失耳。由此觀之。項羽之沉舟馘艇。不能專美於前矣。

時太平四面皆元兵。而元將陳瑊先復使水軍帥康茂才以數萬眾攻城。城兵

危急。賴達將兵逆戰。破之。擒瑊。先并降其眾。別將兵取溧陽。即江蘇金陵溧水

即今江蘇金陵溧水縣治從下集慶。元路屬江浙省。明改應天府。屬江蘇金陵溧水縣治太祖身居守。而命

達為大將。率諸軍東攻鎮江。今江蘇金陵鎮江道丹徒縣治拔之。斬元大將定定等。號令明肅。城

中宴然。尋太祖稱吳國公。乃授達淮興翼統軍元帥。

三 力攻江淮上

時張士誠

士誠小字九四泰州白駒士誠人以操舟運鹽為業之輕財好施頗得衆

陷秦州高郵興化等邑皆德勝湖有衆萬餘自稱誠王僭號大周建元天祐尋復遣弟士德山通州渡江入常熟遂陷平江及湖州松江常州諸路改平江為隆

平府自高郵徒據之尋降於元已而復叛據元之杭州紹興嘉興等地遂稱吳王其所據南抵紹興北踰徐州達濟寧之金溝西距汝潁濠泗東薄海二千餘里

帶甲數十萬亞已據常州。今江蘇蘇州道武進縣治挾江東叛將陳保二以舟師攻鎮江。達敗

之於龍潭。鎮名在金陵道句容縣西北為濱江要地遂請益兵以圍常州。士誠遣將來援。達以敵狡

而銳。未易力取。乃離城設二伏以待。別遣將王均用為奇兵。而自督軍戰。敵退

走。遇伏。大敗之。獲其張湯二將。進圍常州。明年克之。進僉樞密院事。

常州既下。以形勢論。可由運河取建瓴之勢。直抵平江。元路屬江浙省今江蘇蘇州道吳縣治也據

其巢穴。然士誠梟傑也。運河要隘。詎不以重兵扼之。況常熟今蘇州道常熟縣復有其

弟張士德。夙以善戰多謀。深得士心。著稱。與平江為犄角之勢。士誠雖挫。尙未

可力取者。達知其然。乃移兵拊平江之背。竟取寧國。今安徽縣治湖。徇宜興。今蘇州

與帶道宜使前鋒趙德勝下常熟擒士德以歸。明年再攻宜興克之。士誠由是氣

沮不復敢輕侮太祖。士誠聞士德被擒大懼遂皆達之謀略有以致之也。

胡大海攻婺州。道今浙江金華縣治久不下。太祖自將往擊之。以應天即今江寧根本重地。

命達留守會池州。道今安徽蕪湖為天完徐壽輝。元末羣盜並起羅田人徐壽輝

僧彭瑩玉麻城鄒勝普等所推陷黃州諸路據蕪水遂以為都稱皇帝以倪文俊

陳友諒傳出軍襲據。達乃別遣兵擊破其將趙勝普。復池州。遷奉國上將軍同知樞

密院事。

四 力攻江淮下

陳友諒者天完之悍將亦一時之梟雄也。陳友諒沔陽魚家子也少知書嘗為

然往從之遂為文俊簿書掾尋亦領兵為元帥及文俊專恣心不能平遂圖殺之

而并其軍又殺將軍趙普勝劫壽輝而幽之自稱漢王旋復殺壽輝僭尊號國號

漢改元大義盛有天完江西湖廣故地國時方經營皖贛諸邑馳驟江南北兵

富兵錢為江南冠嗣為太祖所滅事詳後

勢甚盛。達既復池州。乃益進攻安慶。今安徽安慶縣治自無爲。今安徽無爲縣治陸行夜

掩浮山寨。破趙普勝部將於青山。遂克潛山。今潛山縣治還鎮池州。

友諒屢引軍爭池州。達乃與遇春設伏。敗其軍於九華山下。斬首萬人。生擒三千人。遇春曰：「此勁敵也。不殺必爲後患。」達不可。乃以狀聞。而遇春先以夜阮其卒過半。太祖不懌。悉縱遣餘衆。於是始命達盡護諸將。夫友諒猛鷲。其徒亦自慄悍。遇春本去疾。務盡之旨。欲爲國家除後患。亦未可厚非也。特是慘殺俘虜。究乖人道。且王者之師。弔民伐罪。尤不當肆行誅戮。致干天和。達之不肯爲此。正可見其能爲國家本根之謀。不徒取威定霸。震耀於一時也。

江南羣雄。以陳友諒爲最強。其土地又與太祖東西毘連。侵擾無已。至是又與張士誠相結。謀襲應天。犯龍江。縣名在今江蘇西儀風門外達軍南門外。與諸將力戰破之。

追及之慈湖。焚其舟。明年從伐漢。友諒國號取江州。今江蘇德化縣治友諒走武昌。

今湖北江漢道武昌縣 達追之。友諒出戰艦沔陽。今湖漢道沔陽縣 達營漢陽沔口以遏之。進中

書右丞。

明年太祖定南昌。今江四豫章道南昌縣 降將祝宗康泰叛。達以沌口軍討平之。從援安

豐。今安徽淮泗道壽縣西南六十里 破吳將呂珍。遂圍廬州。今安徽安慶道合慶縣 會漢人寇南昌。太祖

召達自廬州來會師。遇於鄱陽湖。五湖之一在江西 友諒軍甚盛。達身先諸將力戰敗

其前鋒。殺千五百人。獲一巨舟。太祖知敵可破。而慮士誠內犯。即夜遣達還守

應天。去後顧之憂。乃得併力前敵。率諸將鏖戰。竟斃友諒。友諒既死其臣復挾其子逄奔還武昌

仍稱尊號。改元德壽。及元至正二十四年降於太祖。陳氏遂亡。

五 滅張士誠

太祖稱吳王。以達為左相國。復引兵圍廬州。克其城。略定江陵。元路今湖北襄陽江陵一帶地

辰州、衡州、寶慶。元路均在湖南境 諸路湖湘平。召還。帥遇春等徇淮東。克泰州。今江蘇淮揚道

泰縣治

時張士誠亦已自稱吳王。問淮東敗耗。乃出兵攻陷宜興。達還救復之。復

引兵渡江。克高郵。

今高郵縣屬淮揚道亦

俘吳將士千餘人。會遇春攻淮安。

今江蘇淮揚道山陽縣治

破吳兵於馬騾港。守將梅思祖以城降。達進破元豐。獲元將忻都。走左君弼。盡

得其運艘。元兵侵徐州。

今江蘇徐州道銅山縣治

達迎擊。大破之。淮南北悉平。奏凱還應天。

太祖議征吳。右相國李善長

字百寶。定遠人。後官至太師。中書左丞相。封韓國公。請緩之。達曰：「張氏汰

而苛。大將李伯昇輩。徒擁子女玉帛。易與耳。用事者蔡黃葉三叅軍。書生不知

大計。臣奉主上威德。以大軍蹙之。三吳可計日定。」太祖大悅。拜達大將軍。平

章。遇春副之。帥舟師二十萬人。薄湖州。

今浙江錢塘道吳興縣治

敵三道出戰。達亦分三軍

應之。別遣兵扼其歸路。敵戰敗返走。不得入城。還戰。大破之。擒將吏二百人。圍

其城。

士誠遣呂珍等以兵六萬赴救。屯舊館。築五寨自固。達使遇春等為十壘以遮

之士誠自以精兵來援。大破之於皂林。士誠走。遂拔昇山水陸寨五。太子朱邁

呂珍等皆降。以徇於城下。湖州降。遂下吳江州。今江蘇蘇常道吳江縣治從太湖。五湖之一在平江西

南進圍平江。達自軍葑門。而令常遇春郭興等十一將分軍虎邱。平江閶門外七里婁

胥諸門。築長圍以困之。架木塔與城中浮屠等別築臺三層。瞰城中。置弓弩火

筒臺上。又置巨礮。所擊輒碎。城中大震。

達之布置。既如是其周密。平江不日下矣。然達謙謹寅畏。猶復遣使請事。太祖

敕勞之曰。

將軍謀勇絕倫。故能遏亂略。削羣雄。今事必稟命。此將軍之忠。吾甚嘉之。然

將在外。君不御。軍中緩急。將軍其便宜行之。吾不中制。

既而平江破。執士誠傳送應天。士誠被執。遣使人諭降。士誠既不答。乃以戶扉鼻之。出葑門入舟。不復食。至金陵。竟自縊死。

得勝兵二十五萬人。城之將破也。達與遇春約曰。一師入。我營其左。公營其右。

又令將士曰。一掠民財者死。毀民居者死。離營二十里者死。一故既入而吳人安堵如故。嗚呼。是誠不愧爲王者之師矣。皆達一人統率之力也。

太祖以此役之功。封達信國公。尋拜征虜大將軍。復以遇春爲副。率步騎二十

萬人。北取中原。吳漢旣滅。東南底定。太祖有規復中原之志。乃會諸將議曰。山東

元。郡。然。後。將。亡。中。原。塗。炭。今。將。北。伐。吾。欲。先。取。山。東。移。兵。兩。河。拔。遼。關。而。扼。之。遂。取。

由。淮。入。河。而。北。以。取。中。原。時。元。順。帝。至。正。二。十。七。年。其。明。年。卽。明。太。祖。洪。武。元。年。也。太祖親馮莫。駕。切。音。馮。謂。因。行。師。而。設。祭。也。於龍江。

是時稱名將者。必推達與遇春兩人。才勇相類。皆太祖所倚重。遇春剽疾敢深入。然下城邑。不能無誅戮。而達尤長於謀略。所至不擾。卽獲壯士與謀。結以恩義。俾爲己用。由此多樂附。大將軍者。至是太祖諭諸將。御軍持重。有紀律。戰勝攻取。得爲將之體者。莫如大將軍達。其見知於主上之深。有如此者。古人有言。知臣莫若君。其此之謂矣。

六 定計北伐

方師之未行也。太祖親定進取方略。首山東。次河洛。次幽燕。次冀雲。而後秦隴。

故達行師。遂道淮入河。首克沂州。道今山東臨沂縣 寧 降守將王宣。進克嶧州。道今濟寧

王宣復叛。返旆擊斬之。莒。道今濟寧莒縣 密。道今山東臨沂縣 東海。道今江蘇徐海 諸州悉下。乃

使韓政分兵扼河。張興祖取東平。道今山東臨沂縣 濟寧。道今山東濟寧 而自率大軍

拔益都。道今山東膠州 徇下濰膠。道今山東濰州 諸州。濟南。道今山東濟南 降。分兵

取登萊。萊今山東膠州 齊地悉定。

洪武元年。即元順帝至正十八年戊申 太祖即帝位。以達為右丞相兼太子少傅。時副將軍

遇春克東昌。道今山東臨沂縣 達乃與之會師濟南。擊斬樂安。道今山東嶧縣 反者還

軍濟寧。遂引舟師泝河趨汴梁。道今河南開封 元守將李克彝走。左君弼竹貞等

降。遂自虎牢關。道在河南開封 入洛陽。道今河南洛陽 與元將脫因帖木兒大戰洛

水北破走之。梁王阿魯溫以河南降。略定嵩陝。嵩今河南洛陽道陳。今河南開封

汝。今河南汝縣諸州河南復定。

達乃乘勝直擣潼關。在陝西李思齊犇鳳翔。今陝西鳳翔縣張思道犇鄜城。今陝西

榆林道洛川縣遂入關西。陝西華陰一帶至華州。今華陰縣捷聞。太祖幸汴梁。召達詣

行在所。置酒勞之。且謀北伐。達曰：「大軍平齊魯。掃河洛。王保保逡巡觀望。潼

關既克。思齊輩狼狽西犇。元聲援已絕。今乘勢直擣。元都可不戰有也。」太祖

稱善。達復進曰：「元都克而其主北走。將窮追之乎？」太祖曰：「元運衰矣。行

自漸滅。不煩窮兵。出塞之後。固守封疆。防其侵軼可也。」達頓首受命。

七 克定元都

達乃先與副將軍會師河陰。今河南開封道遣裨將分道徇河北地。達下衛

輝彰德廣平。師次臨清。今山東臨清縣使傅友德開陸道。通步騎。顧時浚河通舟

師遂引而北。遇春已克德州。今山東臨德縣治合兵取長蘆。今京兆京兆尹宛平縣治扼直沽。今

直隸之大沽口作浮橋以濟師。水陸並進。大敗元軍於河西務。進克通州。今京兆尹通縣治元

順帝懼。乃率其后妃太子北遁。

踰日。達陳兵齊化門。填壕登城。遂入元都。執元監國淮王帖木兒不花。左丞相慶童等數人。諭降不聽。乃斬之。其餘不戮一人。封府庫。籍圖書寶物。令指揮張勝以兵千人守宮殿門。使宦者護視諸宮人妃主。禁士卒毋得侵暴。吏民安居。市不易肆。復遣傅友德等分守古北諸隘口。慮遠識高。才大心細。以戰爭凶事而有昇平。和肅之風。達之才略。誠可驚矣。

八 平定山西

元都既下。太祖乃命改爲北平府。即今北京使孫興祖守之。而命達與遇春進取山西。達乃令遇春馮勝等分道下保定。今直隸保定道保陽縣治懷慶。今河南河北道沁陽縣治諸路。度太

行。山名在山西以取潞澤。平順晉城二縣道達以大軍繼之。時元守將擴廓帖木兒方

引兵出雁門。關名在山西將由居庸。關名在直隸以犯北平。達聞之。與諸將謀曰：「擴廓

遠出太原。今山西冀寧道必虛。北平有孫都督在。足以禦之。今乘敵不備。直擣太

原。使進不得戰。退無所守。所謂批亢擣虛者也。」諸將皆曰善。

議既決。乃引兵疾趨太原。擴廓至保安。今直隸口北涿縣治聞太原為明軍所襲。果還

救。達選精兵夜襲其營。敵大潰。擴廓倉皇不知所為。跣足乘驢。從十八騎遁往

甘肅。其衆盡降。遂克太原。乘勢收大同。今山西雁門道復分遣馮勝等徇猗氏。山今

西河東道猗氏縣治平陽。今山西河東道臨汾縣治降擒其守將榆次平遙介休。即今山西冀寧道榆林平遙介休三縣治

遂以次而下。山西悉平。

九 肅清秦隴

二年。引兵西渡河。至鹿臺。即鹿苑原在陝西關中道高陵縣西南寔字記上有鹿臺祠張思道遁。遂克

奉元。元路即今關中道長成等一帶地時遇春下鳳翔。今關中道鳳翔縣李思齊走臨洮。今甘肅臨洮道狄道。縣治達

會諸將議所向。皆曰：「張思道之才不如李思齊。而慶陽。今甘肅涇道慶陽縣原易於臨

洮。請先慶陽。」達曰：「不然。慶陽城險而兵精。猝未易拔也。臨洮北界河湟。西

控羌戎。得之其人足備戰鬪。物產足佐軍儲。盛以大兵。思齊不走。則束手縛矣。

臨洮既克於旁郡。何有一衆無以難其於敵人之虛實。形勢之險夷。灼見如此。

宜其戰勝攻取。無堅不摧矣。兵法知己知彼。百戰百勝。達之謂乎。

達於是統兵渡隴。克秦州。下伏羌。即今甘肅渭川道天水伏羌二縣寧遠。宋嘗改縣。即今甘肅渭川道武山縣入

鞏昌。今關山道隴西縣遣右副將軍馮勝逼臨洮。思齊果不戰降。分兵克蘭州。襲走元

豫王。盡收其部落輜重。還出蘭關。下平涼。思道走寧夏。爲擴廓所執。其弟良臣

以慶陽降。達遣薛顯受之。良臣復叛。夜出兵襲傷顯。達督軍圍之。擴廓遣將來

援。逆擊敗去。遂拔慶陽。良臣父子投於井。引出斬之。盡定陝西地。

以今日地勢論之。達此次出兵。始山東。次河南。次直隸。次山西。次陝西。終及甘肅。蓋已轉戰連平六省。收五百餘縣。而互時僅一年有半。至正二十七年十月至洪武二年五月攜兵僅二十五萬人。成就之大。致功之速。求諸古將帥。中實無與比倫也。至是太祖乃詔達班師。心儀其功。賜白金文綺甚厚。將論功大封。會元主入寇。而悍虜擴廓復將其命攻蘭州。殺指揮使。勢甚熾。達復出征。

十 擊退元寇

三年春。太祖復以達爲大將軍平章。時常遇春已前卒。乃以李文忠爲副將軍。字思本。盱眙人。太祖姊子。少孤。太祖撫以爲子。甚愛之。以佐太祖定天下。功官至大都督。兼領國子監。卒。封岐陽王。諡武靖。肖像功臣。廟位第三。分道出

兵。達自潼關出西道。擣定西。元州明改安定縣。今西縣。取擴廓文忠自居庸出東道。

絕大漠。追元嗣主。達至安定。擴廓退屯沈兒峪。在今定西縣北。達進軍薄之。隔

溝而壘。日數交戰。擴廓遣精兵從間道劫東南壘。左丞胡德濟倉卒失措。軍驚

擾。達親率兵擊却之。

達以德濟失律。按法當斬。顧念其爲功臣胡大海

字通甫。虹人。善用兵。又好太。所至輒求豪雋。自濠陽從太。

祖克定江表。屢建大功。後征嚴州。爲降將。蔣英等所害。太祖深悼之。追封越國公。謚武莊。骨像功臣廟。位第七子。因械送至京師。而斬其

下。趙指揮等數人以徇。明日。整兵奮溝。殊死戰。大破擴廓兵。擒元郟王濟王及國公平章以下文武幾二千。將士八萬餘。牲畜巨萬。擴廓僅挾其妻子數人。狂竄和林而免。

德濟至京師。太祖釋之。而以書諭達曰。

將軍效衛青之不斬蘇建耳。獨不見穰苴之待莊賈乎。將軍誅之則已。今下廷議。吾且念其信州諸暨功。不忍加誅。繼自今將軍毋事姑息。

讀太祖此書。其辭雖若有憾於達。而玩其語氣。實又深喜達者何也。蓋達於德濟失律之罪。既不可不按以軍法。然德濟爲大海之子。乃父慘死王事。有功國

家。今於其子。又不免有甘棠遺愛之思。械繫而上之。其處置實允當而兩全。太祖固心韙之。故有是書。以褒達之能。並用其恩威也。

達既破擴廓。卽帥師自徽州。今渭川道。徽縣。南一百八渡。河名。在漢中府略陽縣東。源出徽縣下流。入嘉陵江。渡凡

一百八處。故名。至畧陽。克沔州。今陝西漢中道。沔縣治。入連雲棧。攻興元。今陝西漢中道。南鄭縣治。取之。而副

將軍李文忠亦克應昌。元路。今熱河特別區城。昭烏達盟。八部。十一旗。克什克騰旗。四捕魚兒海旁。獲元嫡孫妃主

將相。先後露布聞。詔振旅還京師。太祖迎勞於龍江。乃下詔大封功臣。封達魏國公。歲祿五千石。與世券。酬庸之禮。隆絕一時。


明年。率盛熙等赴北京。練軍馬。修城池。徙山後軍民實諸衛府。置二百五十四屯。墾田一千三百餘頃。其冬召還。五年。復大發兵征擴廓。達以征虜大將軍出中道。左副將軍李文忠出東道。征西將軍馮勝出西道。各將五萬騎出塞。達遣都督藍玉擊敗擴廓於土刺河。源出甘肅略鄂。謂河。四北下流。與阿魯渾河合。已而擴廓與賀宗哲合

兵力拒達兵不利乃引還。

十一 恭慎自持

明年達復率諸將行邊破敵於答刺海還軍北平留三年而歸十四年復率湯和等討乃兒不花已復還鎮每歲春出冬暮召還以爲常還輒上將印賜休沐宴見歡飲有布衣兄弟稱而達愈恭慎持盈保泰功愈大而身愈謙誠能善保其功名者也。

太祖嘗從容言「徐兄功大未有寧居可賜以舊邸」舊邸者太祖爲吳王時所居也達固辭一日太祖與達之邸強飲之醉而蒙之被昇臥正寢達驚醒趨下階俯伏呼死罪太祖覘之大悅乃命有司卽舊邸前治甲第表其坊曰大功以隆之嗚呼有達之寅畏而後有太祖之禮下君臣相得至此益彰漢光武與嚴子陵不能專美於前矣。



達爲人剛直避惡如浼。然又內介外宏。有古聖賢之度。當胡維庸爲丞相也。欲結好於達。達薄其人不答。則賂達閹者福壽。使圖達。福壽發之。達亦不問。惟時時爲太祖言。維庸不任相。後果敗。太祖以是益重達。十七年。達在北平。病背疽。稍愈。太祖遣達長子齋敕往勞。尋召還。明年二月。病篤。遂卒。年五十四。太祖爲輟朝臨喪。悲痛不已。追封中山

(北其在墳達徐) 陵祖太明



王諡武寧。三世皆王爵。賜葬鍾山之陰。御製神道碑文。配享太廟。肖像功臣廟。位皆第一。

達言簡慮精。在軍令出不二。諸將奉持凜凜。而帝前恭謹。如不能言。善拊循。與下同甘苦。士無不感恩效死。以故所向克捷。尤嚴戢部伍。所平大都二省。會三郡邑數百。閭井宴然。民不苦兵。歸朝之日。單車就舍。禮延儒生。談議終日。雍雍如也。太祖嘗稱之曰。「受命而成功。而旋不矜。不伐。婦女無所愛。財寶無所取。中正無疵。昭明乎日月。大將軍一人而已。」其推重如此。

常遇春

一 和陽遇主

明太祖奮興滌陽。戡定四方。驅逐胡元。雖曰天授。蓋實賴諸功臣之力。爲多功。臣中如徐武寧王。持重有謀。功高不伐。仁慈謙謹。正直忠貞。自古名世之佐。無以過之。自不愧爲諸將帥之冠。上篇述之詳矣。然其時復有開平王者。摧鋒陷陳。所向必克。智勇不在中山下。而公忠謙遜。善持其功名。亦足與中山媲美也。王姓常。名遇春。字伯仁。卽今安徽省淮泗道所屬之懷遠縣人也。貌奇偉。勇力絕人。猿臂善射。初從劉聚爲盜。察聚終無成。歸太祖於和陽。卽和州。見徐達傳。未至。困臥田間。夢神人被甲擁盾呼曰。起起。王君來。驚寤。而太祖適至。卽迎拜。時至正十五年四月也。夫世間寧真有鬼神者。亦惟視其心之專一與否耳。遇春志切功業。欲得英主而事之。以遂其願。精誠貫注。故一幻而爲夢。再幻而爲神。太祖

適。至。而。風。雲。於。以。際。會。也。

二 采石立功

遇春既歸太祖。蛟龍入海。已得布雲作雨之基。壯志躍然。不能自己。未幾。自請於太祖。願為前鋒以立功。太祖曰。「汝特饑來就食耳。吾安得汝留也。」遇春固請。太祖曰。「俟渡江事。我未晚也。」夫太祖千古雄主。豈不知遇春之才。而乃棄之。其所以為此言者。蓋反言以激之。使益自奮起。建立奇功。而後擢用之。以服諸將耳。雄主之用人。操縱固如是其奇也。

太祖既得巢湖舟師。太祖將自和州渡江。苦無舟楫。會巢湖帥廖永忠。俞通海等。以水師千艘來附。太祖大悅。乃得渡江。乃定計

渡江。諸將請直趣集慶。太祖曰。「取集慶必自采石始。采石重鎮。守必固。牛渚前臨大江。宜先取之。」乃揚帆直前。及兵薄牛渚磯。元兵陳磯上。舟距岸且三丈餘。莫能登。遇春飛舸。音歌大至。太祖麾之前。遇春應奮戈直前。敵接其戈。

乘勢躍而上。大呼跳盪。元軍披靡。諸將乘之。遂拔采石。進攻太平。授總管府先鋒。進都督。

時將士妻子錙重。皆在和州。而元中丞蠻子海牙。復以舟師襲據采石。道中梗。太祖自將攻之。遣遇春多張疑兵。分敵勢。戰既合。遇春操舸衝海牙舟爲二。左右縱擊。大破之。盡得其舟。江路復通。尋命守溧陽。從攻集慶。功最高。復從元帥徐達取鎮江。進攻常州。吳兵圍達於牛塘。遇春往援。破解之。擒其將。進統軍大元帥。

三 裹創奮鬪

常州旣下。遷中翼大元帥。已而復從徐達攻寧國。中流矢。裹創奮鬪。克之。別取馬駝沙。以舟師攻池州。下之。進行省都督馬步水軍大元帥。從取婺州。轉同僉樞密院事。守婺州。移兵圍衢州。以奇兵突入南門。甕城。毀其戰具。急攻之。遂下。

得甲士萬人。進僉樞密院事。進攻杭州。兵不利。召還應天。

尋又從徐達。與天完將趙普勝相持。拔其水寨。從守池州。大破漢兵於九華山下。語具徐達傳。陳友諒薄龍灣。遇春以五翼軍設伏。大破之。遂復太平。敍功稱最。太祖追友諒於江州。命遇春留守。用法嚴明。軍民肅然。無敢犯者。先民有言。治亂國用重典。蓋典重則民知戒懼。而不敢輕於犯法。其保全轉多。此卽子產治鄭之遺規也。春秋時鄭大夫子產有疾。謂子太叔曰。我死。子必爲政。惟有德者能以寬服民。其次莫如猛。夫火烈。民望而畏之。故鮮死焉。水懦弱。民狎而溺之。則多死。乃故寬難及。太叔爲政。不忍猛。而寬。於是鄭國多盜。取人遇於荏苒之澤。太叔悔之。曰。吾早從夫子言。不及此。乃與兵攻盜。盡殺之。盜乃止。遇春武人。乃能採用其道於此時。不但長於用兵。抑且善於治民矣。

四 三戰三勝

安慶位長江中流。爲漢東鄙之重鎮。太祖屢攻之。而終不下。至是。乃大出兵圍之。漢兵出江游徼。遇春擊之。皆反走。乘勝取江州。而張士誠乘虛內犯。乃還守

龍灣。援長興。道今浙江省錢塘俘殺吳兵五千餘人。其將李伯昇解圍遁。乃命巖

安慶城。

時池州帥羅友賢據賢山寨。通於張士誠。遇春率師往討。破其師。陣斬友賢。先

是劉福通為元將察罕帖木兒所敗。挾韓林兒。韓林兒，樂城人。其先世自白蓮

鼓妖言謂天下當大亂。編勒佛中。國乃殺白馬黑牛。警告天地。謀起兵。以紅巾為

復言山童宋徽宗八世孫當主。下生河南江淮間。愚民多信之。潁州人劉福通為

氏逃。武安山中。福通掠朱阜。破羅山。上蔡等邑。衆至十餘萬。元兵不能禦。而徐壽

輝。王三芝。藤李夾。河子興等。亦各起。稱皇帝。又號小明王。建國號曰宋。改元龍鳳。通

林兒於楊山之夾。河子興等亦各起。稱皇帝。又號小明王。建國號曰宋。改元龍鳳。通

而福通百官。號令。始事杜遵道。等以其勢方盛。可倚藉。亦嘗用其年號。以令軍中。未

幾兵復盛。遂道其黨。關先生毛貴。李喜喜。等分道略地。東盡山東。北至遼陽。西

北至山陝。隨蜀縱橫。數千里。兵勢甚銳。嗣復攻陷汴梁。迎林兒都焉。然林兒福通

水起盜賊。無大志。諸將復不聽。約無所出。乃棄汴城。挾老林兒。仍走安豐。至察罕帖木

兒軍至。林兒兵望風潰敗。福通計無所出。乃棄汴城。挾老林兒。仍走安豐。至察罕帖木

今安徽淮泗道壽縣西南六十里

張士誠遣將李珍圍之。林兒告急於太祖。太祖乃率徐達及遇春等往援之。比至。呂珍已陷其城。殺劉福通。聞大軍至。盛兵拒守。太祖左右軍皆敗。遇春橫擊其陳。三戰三破之。俘獲士馬無算。奏凱而歸。

五 大戰鄱陽

尋從徐達圍廬州。

即今安徽安慶道合肥縣

城將下。

會陳友諒圍洪都。

今江西豫章道南昌縣

召還會

師伐漢。遇於彭蠡。

即江西鄱陽湖

之康郎山。

敵舟大乘上流。

鋒銳甚。

遇春偕諸將大戰。

呼聲動天地。

無一不當。

百友諒驍將張定邊直犯太祖舟。舟膠於淺。幾殆。遇春

射中定邊。太祖舟得脫。

而遇春舟復膠於淺。

有敗舟順流下。

觸遇春舟。乃脫。轉

戰三日。縱火焚敵舟。

湖水皆赤。

友諒不敢復戰。

諸將以敵軍尙強。欲縱之去。

遇春獨無言。比出湖口。

今江西潯陽道湖口縣

諸將欲放舟

東下。太祖命扼上流。

遇春乃溯江而上。

諸將從之。

友諒窮蹙。以百艘突圍。

諸將

將欲放舟

東下。太祖命扼上流。遇春乃溯江而上。諸將從之。友諒窮蹙。以百艘突圍。諸將

邀擊之。敵軍遂大潰。友諒死。師還論功。遇春第一。賜金帛土田甚厚。後又從圍武昌。太祖還應天。留遇春督軍困之。太祖卽吳王位。進遇春平章政事。太祖復視師武昌。漢丞相張必先自岳今湖南武陵岳陽縣來援。遇春乘其未集。急擊擒之。城中由是氣奪。陳理遂降。盡取荆湖地。

六 克城不殺

左相國徐達再攻廬州。仍以遇春偕克之。別將兵略定臨江之沙坑麻嶺牛陂諸寨。擒僞知州鄧克明。遂下吉安。今江西廬陵圍贛州。今江西贛南熊天瑞固守不下。太祖使使諭遇春。克城毋多殺。苟得地無民。何益。於是遇春浚壕立柵以困之。頓兵六月。天瑞力盡乃降。遇春果不殺。太祖大喜。賜書褒勉。遇春遂因兵威諭降南雄。元路屬江西省。今廣東嶺南道南雄縣治。韶州。今廣東嶺南道曲江縣治。還定安陸襄陽。今湖北襄陽

襄陽二縣治

復從徐達克泰州。敗士誠援兵。督水軍壁海安壩以遏之。其年秋。拜副將軍伐吳。敗吳軍於太湖。又敗之於毗山。又敗之於三里橋。遂薄湖州。士誠遣兵來援。屯於舊館。村名在今浙江錢塘道吳興縣東。出大軍後。遇春將奇兵。由大全港營東阡。更出其後。敵出精卒搏戰。奮擊破之。襲其右丞徐義於平望。盡燔其赤龍船。復敗之於烏鎮。在吳興東南。遂北至昇山。在吳興東。破其水陸寨。悉俘舊館兵。湖州遂下。

七 隨軍北伐

既克湖州。乃進兵圍平江。遇春軍虎邱。士誠潛師趨出。遇春與戰於北濠。破之。幾獲士誠。久之。諸將破葑門。遇春亦破閶門。以入。吳平。進中書平章軍國重事。封鄂國公。復拜副將軍。與大將軍徐達率兵北征。太祖親諭曰。

當百萬衆。摧鋒陷堅。莫如副將軍。不慮不能戰。慮輕戰耳。身爲大將。願好與小校角。甚非所望也。

遇春拜謝。蓋是時天下未平。胡元未滅。遇春能軍善戰。爲諸將冠。一身安危。勝敗繫之。太祖知其忠勇。護惜周至。故不覺爲臨歧之戒。勉耳。然卽此益可見遇春臨陳勇敢。奮不顧身之概矣。

師行以遇春乘太子少保。從下山東諸邑。別將入東昌。乃與大將軍徐達會師於濟寧。遂率舟師。泝河趣汴梁。守將李克彜遁。左君弼珠占等降。遂取汴梁。乃自虎牢關進攻河南。守將托音特穆爾以精兵五萬。陳洛水北。遇春單騎突陣。敵二十餘騎攢槊刺之。遇春一矢殪其前鋒。大呼馳入。麾下壯士從之。敵軍遂大潰。追奔五十餘里。降梁王阿魯溫。察罕特木兒罕之父河南郡邑以次下。

八 劫寨却敵

河南旣平。太祖如汴梁。命改爲開封府。召遇春等赴行在。慰諭之。復與大將軍下河北諸郡。先驅取德州。將舟師並河而進。破元兵於河西務。克通州。今北京兆

通縣 遂入元都。別將西下保定。今直隸保定 克河間。今直隸津海河間縣治 收真定。今直隸保定

定道正 與大將軍攻太原。擴廓帖木兒來援。勢甚盛。遇春言於達曰：「我騎兵雖集。步卒未至。驟與戰。必多殺傷。夜劫之。可得志。」徐達深善之。

謀既定。會擴廓帖木兒部將豁鼻馬來約降。且請為內應。乃選精騎夜銜枚往襲。擴廓方燃燭治軍書。倉猝不知所出。跌一足。乘孱馬。以十八騎走大同。今山西雁門

門道大 同縣。豁鼻降。得甲士四萬。遂克太原。遇春追擴廓至忻州。今山西雁門 而還。

詔改遇春左副將軍。居右副將軍馮勝上。北取大同。轉徇河東。今山西河東

下奉元路。今陝西開中道長安縣一帶 與勝軍合。西拔鳳翔。今陝西開中道鳳翔縣

九 元帝北遁

當遇春經營秦隴之時。正元主重窺北平之日。先是元主既北遁。復不自度德

量力。思與明抗。召擴廓等出雁門。入居庸。侵擾北鄙。遇春等既屢敗之矣。至是

又命其將汪文清也。速等分道犯錦州。今奉天遼瀋道錦縣通州諸邑謀逼北平。乃詔遇

春還備。以平章李文忠副之。率步騎九萬發北平。經會州。今熱河特別區域阜寧縣

敗汪文清於錦州。敗也。速於全寧。元置全寧路明廢。故城在今熱河特別區域喀喇沁右翼

州。遇春乃分千騎爲八伏以待元師。已而守將夜遁。盡擒之。遂拔開平。元帝北

走。追奔數百里。獲其宗王慶生。及平章鼎臣等將士萬人。車萬輛。馬三千匹。牛

五萬頭。子女寶貨稱是。師還。次柳河川。在今直隸口北遼寧開縣西暴疾卒。年僅四十。太祖

聞之。大震悼。喪至龍江。親出奠。並爲發哀。賜葬鐘山。贈翊運推誠宣德靖遠功

臣。開府儀同三司。上柱國。太保。中書右丞相。追封開平王。諡忠武。配享太廟。肖


像功臣廟。位皆第二。

十 遺事

遇春爲人忠義發乎至性。生平疾惡如讎。遇不忠不孝者。輒聲色俱厲。羞與爲

伍。初太祖爲吳國公時。所任將帥最著者。平章邵榮。右丞徐達。與遇春爲三。而榮尤宿將善戰。迨後榮驕蹇有異志。與參政趙繼祖謀伏兵爲變。事覺。太祖欲宥榮死。遇春直言曰。「人臣以反名。尙何可宥。臣義不與共生。」太祖乃飲榮酒。流涕而戮之。而自是益愛重遇春云。

性又沉鷺果敢。善撫士卒。每戰摧鋒陷陳。終其身未嘗敗北。雖不習書史。而用兵輒與古合。長於大將軍。達二歲。數從征伐。而奉達約束惟謹。一時名將稱徐常。遇春嘗自言。能將十萬衆。橫行天下。故軍中又號爲常十萬。其威望之隆。蓋如此。所惜遇春具干城股肱之才。大功未竟。乃老天嫉才。不永其年。方在中年。遽以暴疾。沒於王事。致令賈志九原。埋忠抔土。讀史至此。要當爲之同聲慨嘆者矣。



教 育 部 審 定

倫理學教科書 三 角

【教育部批】此書出版。在數年前久爲世重。自今論之。能撮舉倫理學大要。發揮本國道德特色。仍與中學校課程標準相符。準作爲中學校倫理學教科用書。

倫理學原理 一 蔡元培譯 元

【教育部批】全書立論。無黨無偏。讀之令人得正當道德的判斷。且譯筆明暢。說理精密。亦屬此書特色。可作爲中學校師範參考書。

倫理學大意講義 二 陸費逵編 角

【教育部批】此書所引中外學說。俱能扼要。且說理明透。行文修潔。准作爲師範學校講習科用書。

中國倫理學史 一 蔡元培譯 元

是編分三大時期。第一期。秦創始時代。第二期。漢唐繼承時代。第三期。宋明理學時代。并附載近世之黃梨洲戴東原俞理初三君學說。尤爲研究倫理學之助。

完 華商 商務印書館發行

乙又三一四號

The Model Soldiers

Vol. VII

Hsü-lich-wu, Kuo Kan, Sü Ta & Shang Yü-ch'un

COMMERCIAL PRESS, LTD.

中華民國四年十月八日印刷
中華民國四年十月十七日初版發行

模範軍人(旭烈兀 郭侃 事略一册)
第七册(徐達 常遇春)
(每册定價大洋壹角伍分)

著作人 無錫孫毓修

發行人 上海棋盤街中市 印 有 模

印刷人 上海北河南路北首寶山路 鮑 咸 昌

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 北京天津保定奉天龍江吉林長春西安太原濟南開封成都重慶漢口長沙安慶蕪湖南京南昌杭州蘭谿福州廣州潮州

此書有著作權翻印必究

#78
124982

商 務 印 書 館

五 彩 中 國 地 圖

本館新出地圖共有數十種餘類皆詳調查印美精茲擇本國地圖之最要者如下

| | | | | | | | | | | | | | |
|-------|-------|-------|--------|------|--------|-------|-------|-------|-------|-------|-------|-------|-------|
| 中國新興圖 | 中華新地圖 | 中華分道圖 | 中國輿地全圖 | 中國全圖 | 中華民國地圖 | 直隸省全圖 | 山東省全圖 | 江蘇省全圖 | 安徽省全圖 | 浙江省全圖 | 湖北省全圖 | 湖南省全圖 | 四川省全圖 |
| 五元 | 六角 | 八角 | 一元二角 | 一元八角 | 一元 | 一元二角 |

| | | | | | | | | | | | | | | |
|---------|---------|---------|---------|---------|---------|---------|---------|---------|---------|---------|--------|--------|---------|----------|
| 直隸省明細全圖 | 奉天省明細全圖 | 四川省明細全圖 | 山東省明細全圖 | 浙江省明細全圖 | 安徽省明細全圖 | 江蘇省明細全圖 | 湖北省明細全圖 | 湖南省明細全圖 | 袖珍廣東省全圖 | 袖珍湖北省全圖 | 京漢鐵路全圖 | 津浦鐵路全圖 | 天津浦鐵路全圖 | 上海城廂租界全圖 |
| 八角 | 三角五分 | 三角五分 | 三角 | 三角 | 三角 | 七角 |